

Pizokel Kligga

Ausschnitte aus dem Programm 2008

Dr Thomi bringt us Afrika so hät mas üs verzellt
Nit nu Löwa, Elefanta au a hufa Geld
Er lot verluta und er wellis wüerkli allna säga
Dia rauchfrei Zit dia kämme - im schu au no gläga
Verbi wo ma der Vorstand hät mit Wasser Biar begossa
Ab jetzt wird wider bim EHC - mit Äschabecher gschossa

Wer zücht dr höchschi Trumpf - und bringt als Überraschig
Z`Evi in da Bundesrot, dr Christoph us dr Fassig
Hinterruggs zur SVP zücht er an vielna Fäda
Mischlat, fädlat, Lobbi Art – wird sicher nit verläga
Vu Brunner`s, Murer`s, Mörgali`s - landeswit as Gjammer
Mutiart doch üssara Biopuur – vum Hämmerli zum Hammer

Ich danke und erkläre - die Annahme der Wahl
Das isch der Startschuss gsi - vor Evelin sir Qual
Der Murer isch enttüscht - verstoht das alles nit
Ab jetzt händ miar mim Evi - und am Sämi stritt
Dr Blocher sait ach machand doch - eu kai grossi Sörgali
Als Gargamel fürs Evi Schlumpf - hät SVP dr Mörgali

Begegningszona dass isch jo - sona huara Saich
Viel liaber hättend mir doch z`Chur - endlich bald dä Taich
Darfsch 20ig Kilometer fahra so z`säga im Schritt
A so begebnisch Lüt - wod wüerklich gar nit witt
Dia gröschi Kunscht bir grüana Zona das isch gar nit glatt
Am Bus vur Stadt uswicha könnä - bevor er di macht platt

Wär vo eu hät das nit gseh es isch a mega Hohn
I han nit gschnupft sait Hingis in der Television
Mit ainera Usag do stoht - d`Martina ganz allai
Z` Wäschpulver vo der Sposorfirma machi si ganz hai
Doch jetzt ischs endlich dussa - do druf wenn miar bescho
A so a Schrott kasch wüerkli nu - wennd kokst bisch ussa lo

Bi üs ir Kathedra - do isch a Bomba platzt
Händ Pfaffa gmerkt der Wolfgang häg bim Zügla au no gstratzt
Als Usred heisst das sig - am Herrgott sina Willa
Dr Wolfi gsech nit guat - und häg a schlechti Brilla
Liaba Bischof Haas- du bisch halt schu a Glattav Bi üs in Chur do sait ma denna - eifach linggi Ratta

Miar händ dr Schiwa Mike - im Radio Grischa gfrogt
Natürli isch`s no früha - und au no zimmi gwogt
Was sägend dini Karta - gäll miar wennd gar nit lira
Könnnd miar do in der Schwiz - dr` Euromaischter fira
Sini Antwort findet miar – so doof wia genial
Karta zaigends dütlich - zwai Team`s sind im Final

Ein Stern der deinen Namen trägt got um dia ganzi Welt
Dr'Ruedi mit sim Schacher Sepp verdiant a hufa Geld
Au alti Schwizerhits - sind plötzli wieder inn
D'Nella und Cathomen fählt kund üs no in da Sinn
Dr Epinay dä lacht - und sait ganz schurig nett
Für das Gejaule bauend miar - für dia as Minarett

Zitiga händ brichtet - und miar händ rescherschiart
Bim FC Thun tüans nid nu tschutta was isch denn passiart
Noch am Training hegma schins - in dr'Garderoba
Ab und zu as Nümmerli - mit ma Maitli gschoba
A Sex Skandal iar liaba Lüt und das ir Nati A
Söt do a Damamanschaft si - i wär im Fall no z'ha

Schluss mit Port Alpina - im Bündner Oberland
Es fähli schins am Geld - isch allna jo bekannt
D' Regierig us Graubünda - dia schaltet huara schnell
As Schisshus uf das Loch - das wär sensationell
Döt kasch denn Gägel setza - a jed uf sini Art
Wennd Glück häsch trääf sch a Zürcher - wo dunna dura fahrt

Ab 1. März do isch`s so wit das händ di Maischta wella
Dia eina kratzen sich am Kopf dia Andara an dr Schella
Au Alkohol im Reschti – das könnt schu z`Nöchsta si
Wenn ihar so witer sufend - denn isch`s au bald verbi
Nümma paffa in dr Beiz isch allna üs bekannt
Wird au no z`Puff verbota- denn mache mer`s hald vu Hand

Fauna Flora in Graubünden das isch halt a Hit
Kasch Grässli, Krütli sammla -grad was so umma liit
As Maitli das hät wella -schöni Pilzli pflücka
Dafür hät sie sich halt -a bitzli müassa pücka
Jetzt suacht das Maitli laider-kai Pilzli meh im Wald
Sondern so na Niggel - wo für'd Gofa zahlt